

2 Pita

Pas yimbu Pita ai sürü papimarandi

1 ¹Karihasihandüri, ro Saimon Pita Sisas Kraisindi moani ratüpuriya-rihandembi asu ahandi hoafi sahamindi ha-rihandeimb-anahi. Sihefi God asu aboedambo-reamuni-randeimbi Sisas Kraisindi sürühoeimbi hohoanimo süngu God ai anihondümbofe hohoanimo aboedi-safi ro hohoanimoayefi yahurai siheimbo masagadüri. ²Se God asu Adükari Sisas anihondümbo fifirihi-pirimboanei ranimbo-animbo ai hipoambo-ndinearühi ngusüfoambe afurife kife hohoanimo afindimbo mbisabinandür-amboane.

God ai sihefimbo wand-anei mehu

³Krais ai Godindi nginindeimb-ani, asu raninambo ahandi hohoanimo yanggiri süngufembohünda ai sihefimbo müngu moatükuni masemuni. Sihiri ahambo fifirarihuri raninambo ai sihefimbo ahandi-mayo fifirife aboedi masemuni. Ai sihefimbo hoafiyumunühi yahuya, 'Se sinei wandi himboamupuimbo-randeimbi asu sürühoeimbi hohoanimo sahümündi,' mehumuni. ⁴Ranimboyu sihefimbo aboedi adükari hamindi fehefembo moatükuni ra masemuni sapo horombo ai sihefimboya ndahandürimboyahi mehu. Raninamboyei se ngusüfoambe moaruwai botifimbi hohoanimo hifi ndanihündambo sihefimbo müngu ra moaruwaimbo-reamuni marandi ranahambo aboedambo-ndahimboyei asu se Godindi hohoanimo ndahümündi-mboyei.

⁵Ranimbo-hündambo-animbo asu se tñjirifondeihi sihei aboedi hohoanimo ra anihondümbofe ranifih-animbo pandihindi. Sihei aboedi hohoanimo ranifih-animbo Godimbo fifirife ra pandihindi. ⁶Godimbo fifirife ranifih-animbo sihei fimbo diboadofe hifandi hohoanimo pandihindi. Sihei fimbo diboadofe hifandimbo hohoanimo ranifih-animbo nginindi ningombo hohoanimo ra pandihindi. Sihei nginindi

ningombo hohoanimo ranifih-animbo God hohoanimoayu hohoanimo süngufe ra pandihindi. ⁷Sihei God hohoanimoayu süngufe hohoanimo ranifih-animbo wandafi mami-babidi aboedi ningo hohoanimo ra pandihindi asu ranifih-animbo hipoambofe hohoanimo ra pandihindi. ⁸Rananimbo asu rani hohoanimo ranai sihei fiambe nimandi ngombo adükari tükefeyondüri ana, asu sihei Adükari Sisas Kra isimbo fifirife ra ngiri moani rande yagodo, nga wani. Nga ranana sihei Adükarimbo fifirife ranai aboedi nimi afindi hisaiyo nou yahurai rande hisindimboe. ⁹Nga asu nindou ai sapo muᅅguambo rani-moatükuni hohoanimo ra ahandi fiambe nimarikoate-ndoani ana, nindou ranai nini-moatükuniyo aᅅguni engoro ra hoeifekoate-ayu ana, himboatihari nahurai-ani. Aiana sapo horombo moaruwai hohoanimoyu marandi ra God ai raguanambo-mareando ranahambo hohoanimo mitanira-mündumboani.

¹⁰Ranimboane wandafi mami, God ai siheimbo wambo sowana sinei yahuhaya hoafiyundürühi ai wand-anei mehundur-anei. Ranimbo-hündambo-animbo asu ai siheimbo anihondumbo hoafimayundüri ranimbo nafuimbohünda süngundühündühi hüti-hütindei. Se rawarihindi ana, ngiri se anihondumbofe hohoanimo hiningindihindi. ¹¹Rananimbo siheimbo sihefi Adükari asu aboedambo-reamuneimbi Sisas Kra isindi nginindi hifandarandi koadürumbo-koadürumbo yaᅅgorambo ranambe hafombo nafi yagodondürimboe.

¹²Yini, muᅅgu-moatükuni horombo hoafimayahi ra se hohoanimoyei fifirihi hehi nginindi nimboeimbo süngurihü-ndühaneisi. Nga awi ro siheimbo nimbi-nimbi-si hoafindaha-ndürimboyahi se rani hohoanimo ra hohoanimoyei-mbirühündamboane mbisahehea. ¹³⁻¹⁴Ro fifirihe-amboanahi ngiri amitata ro fi yaᅅgiri animboahi nda hiningindiheandi. Sapo rani-moatükuni ranimboyu sihefi Adükari Sisas Kra is ai fifire hoafimayundiri. Nga awi ro ndarihe yaᅅgiri nimboahambe-animbo sihei hohoanimo ra botifendüri rambo-hündambo muᅅguambo si ra asükai hoafindamboyahi. Ro hohoanimoayahi ranana aboed-ane. ¹⁵Ranimboanahi asu ro haponda siheimbo hoafiyondürimbo hüti-hütiaya habodihi. Rananimbo asu sünguna ro yifinda hehea ngahani amboani asu muᅅguambo hoafi ranahambo hohoanimombeiya saheheamboanahi ro hüti-hütiyahühi hoafehandüri.

Kra isimbo sowahi Godindi nginindi meᅅgoro ra hoeimarihundi.

¹⁶Sihefi Adükari Sisas Kra is asükaiyo nginindi kapeihü kosimboayu hoafi ra ro ndarihe wataporimbo-marihandüri ra ropoanimbo hohoanimoyefi hohu hoafiyefühi-yefipoani. Nga yihoefi himboarinambo ahandi nginindi himboamupuimbi moatükuni hoeimarihuri. ¹⁷Ape God airüri ahambo ndüri adükari sagadowohü asu si adükari aboedi ahandi-mayo ra sagadowani ro ranihü manimboefi. God ai adükari

himboamupuimbi sünambe si ranifihimbi nimarümbö ai yare hoafiyuhü yahuya, “Nindou ranana wandi nimor-ani, nga moani ro ngusüfo parihineimb-ani. Ahamboane ro wambo ngusüfoambe siaoweheandi,” mehu. ¹⁸Ro Sisas Kraibabidi wafuambe nimboef-ane God hoafimayu rani hoafi ra sünambeahindi makosowa himborimayefi.

¹⁹Ranimboanefi ro Godindi hoafi hoafiyomo-rundeimbi ahamundi hoafi ra nginindi anihondümbö-arihundi, nga se-amboani rani hoafi ranahambo yarihi anihondümbö-arihindi ana, aboedi saf-ane. Ahamundi hoafi ranana ram nimbi nimarowani aningö nahurai-ane. Ram ra siyo homboyowani si hoafambe Kraibabidi si botiboti nahurai sihei ngusüfoambe tükündifemboe. ²⁰Ngga asu se ranahambo wudipoapondihimbi fifirindihimbi hehimbo-animbo. Nindou mami ai ngiri ahandi hohoanimonambo yanggiri Godindi hoafi hoafiyomo-rundeimbi-yomondi hoafi Baibor-ambe engoro ranahambo fifinde hoafindu. ²¹Ai nimboe, horombo nindou mami ai moai Godindi hoafi engoro ra ahandi hohoanimonambo yanggiri hoafiyu, nga wani. Yifiafi Aboedi ranaiyo nindou bidifirambo hohoanimö botireapurani God ai hoafi masagapuri ranimbo hoafi weindahi hoafiyomo marundi.

Godindi hoafi tikai-hoafiyomo-rundeimbi

2 ¹Ngga horombo Godindi hoafi tikai-hoafiyomo-rundeimbi nindou Israeri-yei mbusümo tüküme fundi. Yahurai-animbo nindou tikai-hoafi yamundu-rundeimbi sihei mbusümo amboani tükündafumboemo. Nindou ranai dibo tükündafu ninggomombo munguambo rani-poanimbo tikai-hoafi siheimbo moaruwaimbo-fendürimbo yamundi-ndundürimboemo. Nindou ranahamumbo Adükari ai moaruwai hohoanimö-ambeahindi hihire masepurimündüyosi, nga asu ai Adükari ranahambo amboani daboadi hihirimaruwur-ane. Ai rame fundi ranimboemo asu ai ahamundihoari nimai moaruwaimbo-ndafumboemo. ²Asu nindou anihondümbö-rihindeimbi afindi ranai tikai yamundu-rundeimbi ahamundi moaruwai hamindi hohoanimö ra süngundihümboeyi. Asu ai rawarihindi ranimbohünda nindou amuri burayei ranai hoafi hondü nafi engoro ranahambo moaruwai hoafindeimboeyi. ³Ndani nindou ndanai sapo hohoani hohoanimoyomo-rundeimbi-wambo ai siheimbo tikai-hoafi hoafindimo-ndürimboemo. Horombo hondüyo God ai ahamumbo papi-hoafi hoafimayupuri, nga ai moai munguyo. Hoafi ai hoafiyu masihendi ahamumbo moaruwaimbo-fipurimbo ra adükari tüküfemboane himboyopurühi aningö.

⁴Sünambeahindi nendi bidifiri ai yaru moaruwai hohoanimö-memoyosi, nga asu God ai moai ahamumbo ambemo yahu hininggireapuri, nga wani. Ai ahamumbo ngoafi moaruwai nimbi afindi nimaro-ambe karabusire hininggimareapuri asu ai adükari tinjirifo saimbo

si tüküfembohünda hifandarundi. ⁵Horombo hondü ai moai hifinindi nindou muŋguambo ranaheimbo ambeyei yahu, ŋga wani. Ŋga ai hoe afindi koamarihenda ranambo Godimbo hohoanimokoate nindou ranai moaruwaimbo-mehindi. Ŋga Noa ana sürühoeimbi hohoanimokoate bokarihairandeimbi asu God ai ahambo nindou 7-babidi aboedambo-mareandüri. ⁶Ŋga ŋgoafi yimbu Sodom, Gomora ranahafembo moaruwaimbo-ndiheapirimboyahi yahuhaya, hainambo ramareapira hai tikirapirimbo muŋguambo moatükuni hasüfi yangiri meŋgoro. Ranimboane nindou Godimbo daboadi hihirihoreimbi ana, horombo rani-moatükuni tükümeŋeyo nindou ra nafuimbo nahuraiyo tükümeŋeyo. ⁷Rot nindou sapo mbumundi hamindiyo asu God ai ranahambo mafariheiri. Rot aiyu nindou moaruwai hohoanimoyeimbi ranaheimbo ranimbo ŋgusüfo nimbimayu. ⁸Nindou aboedi ranai ahamundi mbusümo nünŋgumboyo asu ai moaruwai nindou ahamundi-mayo ahinümbi hohoanimokoate süngufekoate hohoanimokoate hoafi himboriyu asu hoeire marandi. Ranimbo muŋguambo si maho ra ahandi mbumundi ŋgusüfo asüriri marandi. ⁹Ŋga asu nine-moatükuni Godindi hohoanimokoate süngurihindeimbi aheimbo refendürimbo yahohaya sisam-arandüri ana, God ai aheimbo ranambehindi hürihendürimbo fifireamboani. Ŋga Adükari ai nindou moaruwai hohoanimoyeimbi ranaheimbo karabusi-fendürimbo sünguna yibobofembo si tükeŋeyo ranihü aheimbo moaruwaimbo-fendürimbo fifireamboani. ¹⁰Rani-simboan-animbo nindou bidifiri sapo Godindi ŋginindi yiŋboaruko-marihindi ranai moaruwaimbo-feimbi hamindi hohoanimokoate ahei ŋgusüfoambe botifembo rani-süngurihideimbi marihündi aheimbo moaruwaimbo-ndearümbui.

Tikai yamundu-rundeimbi nindou aiana himboambekoate nindou-anemo asu ai ahamundi-poanimbo hohoanimokoate rani-süngu yangiri süngumarundi. Raniyomo ai bogori hifandi-rundeimbi ahamumbo tirifoefe hoafimbo kikirififekoate-memo. Nindou himboambekoate-yeimbi asu afindi-afindeimbiyomo ai nindou sünambe amarimo ahamumbo tirifoefe hoafimbo yihimbokoate-memo. ¹¹Sünambehindi nendi ranai nindou tikai hoafi yamundu-rundeimbi ahamumbo ŋgasündüpuru houmbo ŋginindi adükari hamindanemosi, ŋga asu ai moai simbori tirifoarüpurühi Adükariindi himboahü papi-hoafirüpuru. ¹²Ŋga tikai yamundu-rundeimbi ai ninihondi-yei hohoanimokoate nahurai sünguarundi. Ahamumbo hifokoefe mandife sesimbo yangiri nahurai aningomo nindou ra asu nine-moatükuni ai fifirifekoate-memo ranahambo moani türüfoaru hoafiyomo marundi. Asu nindou ninihondi naru arundi nou God ai ahamumbo hifikoa-ndeapürimbui.

¹³Asu ai moaruwai hohoanimokoate süngumarundi ranihündambo ai tiŋirifo asükai ndowandümbemo. Ai nindou bidifirambo tiŋirifo masabudüri rani-sünguyo asu ai-amboa tiŋirifo ndowandümbemo.

Aiana sirihü sesesiyomo asu bia simindimo raro arundi ranahambo hihifi-hihifimbai yahomomboanemo. Rananemo ai se-babidi sowasümondühi amarimo, nga se ranahambo amoaningaye. Nga moaruwai tikai hohoanimo ai yifiriyomo houmbo ramarundi ranahambo hihifi-hihifiyomondühi amarimo. ¹⁴ Aiana amuri himbombo-yomopoani, nga moaruwai hohoanimo ra rattüpurimbohünda nimorehimbo sowanamboane himboari pararundi. Aiana ngiri moaruwai hohoanimo ra hiningindundi, nga wani. Rananemo asu ai nindou bidifiri anihondümböfe hohoanimo akidou yanggiri kikihiru-ndümondeimbi ahamumbo moaruwai hohoanimo ra rambirunda yahomo houmbo hüharupuri. Aiana nindou ngoründi napo hohoanifembo hohoanimo ra ndeara yamundumboanemo. Nga God ai nindou ranahamumbo moaruwaimbo-ndeapürimbui. ¹⁵ Ai sapo aboedi hohoanimo nafi hondü mengoro ranahambo daboadi hihirimarundi ranimboanemo asu ai mamikariyomo wakarundi. Nindou aiana Beorindi nimori Baram ai moaruwai hohoanimomayu ahandi hohoanimo ra süngumarundi. Baram aiana ro moaruwai hohoanimondahan-animbo kaki ranai tükündifemboe yahuhaya yare hohoanimomayu. ¹⁶ Ahandi ninihondi moangui-randeimbi-hündi ahandi ndüri döngi ai hoafikoateimbane, nga nindou hoafi nahurai hoafimayo. Ai Godindi hoafi hoafiyu-randeimbi Baram moaruwai hohoanimomayu ranahambo rani-süngufepoani yahohaya hoafimendo. Raniyo asu döngi ai ahandi ngusüfo-koate hohoanimo ra kikihimarimindo.

¹⁷ Tikai yamundu-rundeimbi ndanana sapo apoarindihori hoe nginareandi nahurai-anemo. Asu aiana mburüngai hoewerinambo kikiramindi pireandani aho yahurai-anemo. God ai ahamumbo nimbi afindi moaruwai nimarowani koarihefepurimbo diboniyu hiningi-reapurimboani. ^a ¹⁸ Nindou ndanai-ana ngusüfokoate hoafi hoafiyomondühi niñondiyimondühi boriyomo wakarundi. Rananemo asu ai nindou bodimondambo findi moaruwai hohoanimo aho ranahambo ngusüfoambe botife hohoanimo ra süngu-mbirihinda yahomo houmbo yirümoarundüri hoangomo. Ai nindou sapo haponda moaruwai hohoanimoyomo-rundeimbi ahamundi fikimi mafefohindi ranaheimbo ahamundi moaruwai hohoanimo ranambe mbiheiya yahomo houmbo hohoanimoyomo arundi. ¹⁹ Rananemo tikai yamundu-rundeimbi ranai horombo hoafiyomondühiya, 'Se yihoefi hohoanimo sünguarihindi ana, aboedambo ngeimboyei,' mehomö. Nga asu ai-amboani nine-moatükuni ahamumbo moaruwaimbo-ndeapürimboe ranahandi moani

^a **2:17** Yimbu moatükuni ra hoekoate-anafe asu ai ngiri hoenamö nindou fandiheneandi. Yahurai-ane tikai yamundu-rundeimbi ahamundi hoafi nimindi-koate-ane, ranane asu ngiri nindou fandihendüri.

ratüpuriyomo-rundeimbi nindou nahurai niŋgomomboanemo. Rani-moatükuni ra ndahurai-ane: Nine-moatükuni nindou ranahambo hifandariri ana, ahandi moani ratüpuriyu-randeimbi nindou-ani. ²⁰E! ra anihond-ane, nindou ai sihefi Adükari Sisas Kraiss sihefimbo aboedambofe-munimboayu ranahambo fifirihori. Asu ranimbo-hünda ai fefoehindühi hifi ndanihünda moaruwai hohoanimondi ŋginindi ranambeahindi aboedambo-mehindi. Ŋga asu asükai ai moaruwai hohoanimo ra sünguarihindi ana, asükai hihihiriyahi karabusehindi nahurai-ane: Weaŋgurühi ai anihondümböfe-koate-yeiambe moaruwai hohoanimo ra süngurihindühi nindou moaruwai manimboei. Asükaiyei sünguna ai hihiriyahi hei ranifihi apairei ana, moaruwai hamindi hondü nimboeimboyei. ²¹Refe ana, awi ai aboedi hohoanimo nafi aho rani-süngufekoate-mbeimbonana, ranana ranaheimbo moaruwai-ane. Ŋga nindou ai aboedi hohoanimo nafi aho rani-süngu süngurihi hehimbo süngunambo Godindi ahinümbi hoafi ranaheimbo yamundimarundüra masahümündi ranahambo daboadanambo-arihindi ana, ranaheimbo moaruwai hamindi hond-ane. ²²Ahei hohoanimo ra kaföefe hoafi nahurai-ane: ‘Yafari ai nini-moatükuniyo kimbomayo ra asükaiyo hihirife ho sesi arandi.’ Asu ŋgorü yahurai-ane: ‘Nindou ai moatei hundüarandi ana, moatei ai hihirindife asükai ŋgo hüburukoambe foerimboe.’

Adükari ai kudümbui.

3 ¹Ŋgusüfohündi wandafi, haponda siheimbo yimbumboanahi pas nda sürü paparihendi. Pas yimbu ranambe siheimbo sapo rani hoafimayo ra asükai hohoanimo purihümündihi mbumundi hohoanimo botimbirihindi saheheambo sürü papimarihendi. ²Hoafi ra Godindi hoafi hoafiyomo-rundeimbi sürühoemo-ndeimbi horombo hoafimemo. Asu sihefi Adükari aboedambo-reamuneimbi ai ahandi hoafi sowandümo homo-rundeimbi-yomondi süngu hoafimayu ranimboanahi asükaiyei hohoanimo pumbirihümündia sahehea hohoanimoyahi.

³Se ndani boatei fifirindihini hehimbo-animbo: Bidifiranambo si tüküfeyo-ambe-animbo nindou ai tükündahi hehi ahei moaruwai hohoanimo ŋgusüfoambe botindeirani ra süngundihimboyei.

⁴Ranimbo ai randihini tiriföefe hoafindeih-animboya, ‘Sapo kosombo horombo hoafimareandi, ŋga nahi-a? Horombo amoa mamai ai yifisafiyei heimbo hapondanambe amboani müngu moatükuni God nafimarandi ra moani horombo manüngo nou yare yahurai yangiri anüngo ho,’ mbiseimboyei.

⁵Ai ndani-moatükuni horombo tükümeffeyo ranahambo hohoanimoyowohümbo fifirifembo-yeipoani, ŋga wani. Horombo hondü God ai hoafiyuhü hifi sünü nafira hinüŋgimareandi. Ai hifi hoe yibobomareanda hifi ranai hoe mbusümo tükümeffeyo. ⁶Asu süngunambo hoe ranai hohoambu afindi tüküfihümbo hifi wamindafi-mayo ra

moaruwaimbo-mareandi. ⁷Hoafi mami raniyo sünü asu hifi haponda tüküme Feyo ranamboani hai koarihefeyowa sünü hifi ra tikirimbohünda hoafimayoa ranimbo himboyowohü aniŋgo. Sünü hifi nda sapo nindou didiyei ai Godimbo daboadi hihirimarihori ranaheimbo God ai yibobofendürimbo moaruwaimbo-fembo si tüküfemboayo ranahamboane ai hiniŋgimareanda himboyowohü aniŋgo.

⁸Se sapo mami moatükuni ndani-animbo se hohoanimo mitanindü-hümündimboyei. Adükarindi hohoanimonambo ana si mami ra 1,000 himbani nahurai-ane, ŋga asu 1,000 himbani ra mare mami si nahurai-ane. ⁹Adükari ranai sapo horombo hoafi hoafimayu ranimbo ratüpurimbo ra afureandühiyupoani. Bidifiri nindou afurifembo hohoanimoayo nou refihiyupoani. Ŋga aiana nindou mami ai-amboani awarihefembo ana, moei yahuhü nindou muŋguamboya se ŋgorü süŋgurihi hohoanimoyei yahumboani hohoanimoayu.

Sünü hifi nda awandihoemboe

¹⁰Adükari ai kosimbo si ana sapo hümbohüni nindou hümbohünimbo ahu yahurai-animbo tükündifemboe. Rani-simboani sünü ranai nimoamondi-hoafi nahurai paindowohümbo awandihoemboe. Rananimbo muŋgu akidou hamindi moatükuni raninambo God ai sünü hifi nafimarandi ranai hai tikirindandani muŋgundimboe. Rananimbo asu hifi amboani muŋgu moatükuni ranifihi engoro ranai kameihi hai tikirindamboe.

¹¹Rani-moatükuni ranai rande awandihoemboe. Ŋga se ranahambo nüŋgumandahu mbisei hohoanimondei. Ranimbo-hündambo-animbo se Godindi yanggir-ane fi mbiseihü rani yanggiri süŋgundihi ndühüdi. ¹²Rani hohoanimonambo-animbo se Godindi si tüküfemboayo ra himbonde. Rananimbo asu se si tüküfemboayo ranahambo nimai-nimaindihindühi ŋginindi ratüpurindei. Rani si tüküfe simboan-animbo sünü ranai hai tikirindandühi muŋgundimboe. Asu rananimbo muŋguambo sünambe akidou hamindi moatükuni ra kameihü hüfü afindiyohümbo hoe nahurai tükündifemboe. ¹³Ŋga God ai sünü hifi simbori nafimbo horombo hoafiyumboani, ŋga simbori hifi ranifih-animbo moani mbumundi hohoanimo yanggiri yagodimboe. Rani-moatükuni ranahamboane fi sihiri tükümbifeyowa se fi hohu himboayefi.

Sihiri hibadihumbo Adükarimbo himbondefimboane

¹⁴Wandafi mami, rani-moatükuni ranahambo se himboyeihanei. Ranimbo-hündambo-animbo se Godindi himboahü sürühoeimbi hondü niŋgomböhünda asu ai-babidi wudi-wudimbohünda huti-hütindei. ¹⁵Sihifi Adükari ai siheimbo aboedambo-fendürimbo yahuhaya himboyu-ndürühani asu ai siheimbo hiniŋgirou-hiniŋgirouarandüri

ranimbo randihi hohoanimondei. God ai sihefi wandafi Porimbo fifirife aboedi masagadowa asu ai-amboani hoafi ra mare ndahurai siheimbo pasambe sürü papira koamarhendüri. ¹⁶Yini, ahandi-mayo muṅguambo pas ranambe ai ndani moatükuni ranahamboyu hoafiṅ marandi. Ahandi-mayo hoafi pas ranambe bidifiri ana asu akidou tiṅimaramuni. Nindou bidifiri fifirife ṅginindi niṅgokoate-aye hoafi raniyo asu Baibor-ambeahindi hoafi kameihi mamikari-marihündi. Ranimbo-hündambo-animbo ai awandi-hehimboyei.

¹⁷Wandafi mami, se fifirihimboanei nine-moatükuni sapo süṅguna tüküfemboayo ra. Ranimbo-hündambo-animbo se sihei fimbo hibadihümbo. Ṽga asu hoafi mbahibadi-hoemondeimbi nindou-yomondi hihindi hohoanimo ranai siheimbo hühündeirani se anihondümbofe ṅginindi hiniṅgi-ndihimboyei. ¹⁸Ṽga seana sihefi Adükari asu aboedambo-reamuneimbi Sisas Krai ahandi hipoambofe hohoanimo nda afindisafi ndahümündihi, asu se ahambo adükari hamindi ndondihori fifirindihori ṅgei. Aiana hapondan-ane asu süṅgunamboane ra ndürümbi-mbiyuwamboane. Anihond-ane.